

gnano, per quanto intendemo, sono 7000, et non sappiamo fin questa hora ciò se voglia fare. Damatina se marchierà in su la strada de Milano, et non sappiamo quello se farà per non esser ancora deliberato, perchè tanto quanto farà li inimici, tanto se governeremo. Sono stà morti zerca dui et feriti qualche uno de li nostri.

Post scripta. Scrive, inimici che sono a Mariignano è su la via dreta va a Milan a porta Romana, et se ha aviso hanno fatto taiar tutte le strade che butano su la ditta via, et taiar li arbori aziò non li possiamo nuoser. È stà mandato el signor conte de Caiazo et altri lezieri per veder quello se potrà far a le ditte strade.

Di sier Francesco Contarini orator a monsignor di San Polo et proveditor, di 27. Scrive *ut supra*; et come el Capitano Zeneral se porta benissimo, intendendosi ben con monsignor de San Polo el qual lo lauda assai et sempre sono insieme etc.

Da Sonzin, di sier Gabriel Venier orator, di 27. Come el signor duca de Milan ha inteso el passaro nostro de li exerciti Lambro, et atende a mandar victuarie in Lodi aziò siano mandate al campo; et presto andará a Lodi. Ha mandato li 2000 fanti et 300 cavali al campo.

316 Fo lecto la deposition de uno mercadante qual vien de Alemagna. È zorni 15 parte da . . . Dice come l' Archiduca overo el re de Bohemia havendo inteso turchi venirli adosso da tre bande, voleva far zente per obstarli, et bohemi li hanno promesso 10 milia fanti; et che soa moier rayna de Hongaria ha fato una puta, et bohemi l' han mal vista: voria havesse fatto uno maschio, qual saria stato re de Hongaria, hessendo nato poi la soa incoronation. El qual voleva venir a Yspruch a far un' altra dieta per haver soccorso di zente. Et come il re Zuane de Hongaria se ritrova a . . . *Item*, che il duca di Saxonia havia fato paxe con il vescovo di Magonza et li altri do vescovi, quali li danno 300 milia ducati per la spexa fata in farli guerra Et come il duca de Bransvich è tornato in Alemagna mal visto da tutti per non haver fatto nulla in Italia, et lo volevano amazar. Et che il capitano Zorzi Fransperg era a . . . et suo fiol a . . .

Fu posto, per li Consieri, una taia a Montagnana.

Fu posto, per li Consieri, havendo sier Alvise Pixani procurator, proveditor zeneral in campo, et sier Piero da chà da Pexaro procurator, concesso a Zuan Batista da Garda, stato in campo a loro servizio per credentier, l'oficio de uno di do porveri (*sic*)

de la città de Trani con tutte condition, preminentie, regalie etc., come apar per patente di 5 April, el qual al presente va in campo con sier Zuan Vituri proveditor zeneral, però li sia confirmata. Ave: 139, 36, 6.

Fu posto, per li ditti, che sier Bortolomio et sier Zuan Francesco da Pexaro qu. sier Luca, qu. sier Bortolamio, nasudi in Cipro, non havendo notitia de refudar i beni paterni, non obstante il tempo passato, possino quelli refudar iuxta le condition di la leze. 139, 6, 5.

Fu posto, per li Savii, una lettera a l' orator 316* nostro in Franza, con avisarli la risposta fatta in materia di Ravenna et Zervia, et mandarli la copia la lezi al re Christianissimo, con dirli . . .

Fu posto, per li Consieri, Cai di XL et Savi, far uno presente al visconte di Torena orator del re Christianissimo qual si partite, in tanti panni de seda per l' amontar de ducati 180, *ut in parte*.

Et fu presa. Ave: 154, 20, 6. El qual orator se parte a di . . . di questo et va a Viterbo dal Papa.

Fu posto, per li ditti, atento sier Francesco Contarini orator et proveditor apresso monsignor di San Polo fosse electo con ducati 80 al mexe per spexe, et essendo al presente in campo su grandissima spexa, però li sia cresuto ducati 40 al mexe sichè habbi 120 *de coetero*: et li sia mandà uno secretario et il fameio, et per li cavali ducati 30, *ut in parte*. È contro le leze. Fu presa. Ave: 114, 57 di no, 3 non sincere.

Fu posto, per li Savi, che li Sindici di terra ferma li qual è passà mexi 6 è fuora, et sono al presente a Lignago, et per evitar la spexa et non dar cargo a li poveri subditi in questa carestia, che li sia limità il tempo star fuora per tutto Novembrio proximo, sicome si limita a li Sindici da mar. Et di questo li sia dato notitia. Ave: 140, 22, 7.

Fu posto . . .

Presentata die 29 Augusti 1528.

Un mercadante qual non si nomina, venuto da Bruna, città in Moravia, in 15 di, refferisse come il serenissimo Ferdinando ha inteso come turchi vieneno a li danni suoi per tre bande; per il che tutte queste regione si ritrovano in fuga et sono tutti sottosopra da paura di turchi; et che per questa causa il prefato serenissimo Ferdinando si